



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XLV. Erectio Episcopatus Alesien. Nemausen. Diœc.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

tam in iudicio, quam extra illud habeatur, quæ
ipsis præsentibus haberetur si forent exhibitæ, vel
ostensæ.

Datum Romæ apud S. Mariam Majorem sub
Annulo Piscator. die V. Aprilis MDCXCIV. Pon-
tificatus Nostri Anno Tertio.

XLIV.

Conceditur Alumnis Provinciæ novi Regni Gra-
naten. Ord. Erem. S. Augustini in Indiis Occi-
dental. facultas suscipiendi gradus Scholasti-
cos in eorum Collegio S. Nicolai Civitatis
S. Fidei.

*Urbani VIII. Const. ed. 1625. Apr. 24. P. 2. agitur
de promovendis in gradibus in Hispania, & Indiis.
Et Clem. XI. Const. ed. 1701. Jun. 4. P. 1. con-
ceditur alumnis Civitatis Laguna facultas susci-
piendi gradus in eorum Collegio.*

INNOCENTIUS PAPA XII.

Ad futuram rei memoriam.

Dat. 24. Apr.
1694. An. 3.

Exordium.

EX injuncto Nobis divinitus pastoralis solici-
tudinis munere Sacram, bonarumque li-
terarum studia inter Christianifideles Altissimi ob-
sequis sub suavi Religionis jugo mancipatos ubi-
que locorum, ac præsertim in remotissimis ab
hac Sancta Sede partibus opportunis rationibus
fovemus, & promovemus, ac ut debitus vir-
tuti honor rependatur libenter providemus, sicut
ad omnipotentis Dei gloriam, Religionis decus,
& incrementum, ac Catholicæ fidei præ-
sidium, & prorogationem salubriter expedire in
Domino arbitramur.

Causa Con-
cessionis.

§. 1. Exponi siquidem Nobis nuper fecit dile-
ctus filius Josephus Bernaldo de Quiros de Li-
ma Diffinitor, ac Procurator Generalis Provin-
ciarum Quiten., & novi Regni Granaten. in In-
diis Occidentalibus Ordinis Fratrum Eremitarum
Sancti Augustini, quod cum alias dicta Pro-
vincia novi Regni Granaten. ab initio suæ funda-
tionis Peruanæ ejusdem Ordinis, & dictæ Qui-
ten. Provinciis unita esset, privilegio, quod ejus
Alumni in Quiten. sub Sancti Fulgentii per quas-
dam fe. re. Sixti PP. V. Prædecessoris nostri ac
Limana sub Sancti Ildephonsi respectively denomi-
nationibus per alias re. me. Pauli PP. V. Præ-
decessoris pariter nostri in simili forma Brevis li-
teras respectively erectis Studiorum Generalium Uni-
versitatibus ad Magisterii, seu Doctoratus, alio-
que Scholasticos gradus, promoveri possent,
fruebatur: Verum quia illa postmodum a dictis
aliis duabus Provinciis subdivisa fuit, privilegio
hujusmodi destituta remansit, ac exinde illius
Alumni præfati pro gradibus hujusmodi conse-
quendis, vel extraneos adire, vel ad Provincias
septingentorum circiter milliarium intervallo dis-
tantes iter cum nimio sumptu, & incommodo
suscipere coguntur.

Preces Proc.
Gen.

§. 2. Cum autem sicut eadem expositio sub-
jungebat, dicta Provincia novi Regni Gra-
naten. doctrina, & regulari observantia adeo flo-
rescat, ut in his ipsi Provinciæ Quiten. antecel-
lat, ac proinde dictus Josephus plurimum cupiat
a nobis indulgeri, ut in Collegio sub titulo San-
cti Nicolai Episcopi intra, vel extra septa Con-
ventus nostræ Divæ de Gratia nuncupatæ Civi-
tatis S. Fidei eorundem Ordinis, & Provinciæ
novi Regni Granaten. erigendo Provinciæ hu-
jusmodi Alumni gradus prædictos suscipere va-
leant: Nos ejusdem Josephi votis in præmissis,
quantum cum Domino possumus favorabiliter
annuere volentes, eumque a quibusvis excom-
municationis, suspensionis, & interdicti, aliis-
que Ecclesiasticis sententiis, censuris, & poenis,
a jure, vel ab homine quavis occasione, vel cau-
sa latis, si quibus quomodolibet innodatus exi-

stet ad effectum præsentium dumtaxat conse-
quendum harum serie absolventes, & absolutum
fore censentes, supplicationibus ejus nomine nobis
super hoc humiliter porrectis inclinari, de Vene-
rabilium Fratrum nostrorum S. R. E. Cardinalium
Concilii Tridentini Interpretum consilio, & at-
tenta relatione Venerabilis Fratris nostri Palatii
Episcopi Prænestin. ejusdem S. R. E. Cardinalis
de Alteriis nuncupati dicti Ordinis apud nos, &
Sedem Apostolicam Protectoris super præmissis
eisdem Cardinalibus facta, præfatis Alumnis
Provinciæ novi Regni Granaten. hujusmodi, qui
fratres expresse professi dicti Ordinis fuerint, ut
peractis in Collegio erigendo prædicto, seu alibi
studiorum suorum curriculum, prævioque rigo-
roso examine Baccalaureatus, ac Magisterii, &
Doctoratus in Philosophia, & Sacra Theologia
gradus in eodem Collegio ab illius Rectore pro
tempore existente suscipere ipsique Rectori eod-
em gradus dictis Alumnis ad formam prædi-
ctarum Sixti, & Pauli Prædecessorum literarum
conferre libere, licite, & valide possint, & va-
leant respectively auctoritate Apostolica tenore
præsentium concedimus, & indulgemus, salva
tamen semper in præmissis auctoritate Congre-
gationis memoratorum Cardinalium.

Concessio
prædict. ad
instar illius
Universitati-
bus Quitenæ
& Limanæ
factæ.

Clausula.

§. 3. Decernentes ipsas præsentibus literas sem-
per firmas, validas, & efficaces existere, & fore
suosque plenarios, & integros effectus sortiri, &
obtinere, ac illis, ad quos spectat, & pro tempo-
re spectabit in omnibus, & per omnia plenissime
suffragari: Sicut in præmissis per quoscumque
Judices Ordinarios, & Delegatos, etiam causa-
rum Palatii Apostolici Auditores, judicari, &
definiri debere; ac irritum, & inane, si secus
super his a quoquam quavis auctoritate scienter,
vel ignoranter contigerit attentari.

§. 4. Non obstantibus Constitutionibus, &
Ordinationibus Apostolicis, ac quibusvis etiam
juramento, confirmatione Apostolica, vel quavis
firmitate alia roboratis statutis, & consuetudini-
bus; privilegiis quoque, indultis, & literis Apo-
stolicis in contrarium præmissorum quomodolibet
concessis, confirmatis, & innovatis. Quibus
omnibus, & singulis, illorum tenores, præsen-
tibus pro plene, & sufficienter expressis, ac de
verbo ad verbum insertis habentes, illis alias
in suo robore permansuris, ad præmissorum
effectum hac vice dumtaxat specialiter, & ex-
presse derogamus, cæterisque contrariis quibus-
cumque.

§. 5. Volumus autem, ut earundem præsen-
tium literarum transumptis, seu exemplis, etiam
impressis, manu alicujus Notarii publici subscri-
ptis, & sigillo personæ in Ecclesiastica dignitate
constitutæ munitis, eadem prorsus fides ubique
locorum tam in iudicio, quam extra illud habeatur,
quæ haberetur ipsis præsentibus, si forent
exhibitæ, vel ostensæ.

Datum Romæ apud Sanctam Mariam Ma-
jorem sub Annulo Piscatoris die XXIV. Aprilis
MDCXCIV. Pontif. Nostri Anno Tertio.

Erigitur Oppidum Alesien. Nemaufen. Diocesis
in Civitatem, ejusque Ecclesia S. Joannis Bap-
tistæ in Cathedrallem.

XLV.

*Similis erectio Oppidi de Penkim Mechaon. Diocesis
extat Const. ed. 1690. Apr. 10. Pont. 1.*

INNOCENTIUS EPISCOPUS

Dat. 16. Maii
1694. An. 3.

*Servus Servorum Dei. Ad perpetuam rei
memoriam.*

ANimarum zelus nullis terminis comprehen-
sus, universalisque Dominici Gregis cura
Nobis licet immeritis ex alto commissa, necnon

Unigeniti filii Dei, & Domini Nostri Jesu Christi ad infima hujusmodi pro humano salvando genere descensus ipsiusque præceptum Apostoli demandatum -- Itē prædicare Evangelium omni creaturæ, mentem nostram continuo sollicitant, ut studiis assiduis ad ea intendere debeamus, per quæ fides nostra Catholica ubique ab omni expurgetur zizania, omnisque vepris expers surgat, & propagetur, errantesque oves diabolica fraude, hæresumque pravitate correptas ad ovile, verique luminis agnitionem reducantur. Propterea novas Sedes novosque Pastores instituere debemus, ut facilius oves ipsæ sic deperditæ se in eas reducere valeant, præsertim etiam cum sublimium Regum vota, & gesta id exposcant, & comperiamus in Domino pro animarum salute id expedire.

Preces Regis Christianissimi justis causis innixæ.

§. 1. Cum itaque, sicut accepimus, charissimus in Christo filius noster Ludovicus Francorum, & Navarra Rex Christianissimus ad Dei solum cultum, ejusque Orthodoxæ Legis observantiam, Sanctæ Matris Ecclesiæ exaltationem, hæresumque extirpationem, & Hæreticorum confusionem enixe intentus, Divina piis ejus conatibus favente gratia, tot millia Subditorum a via salutis per Sathana suggestiones aberrantium ad ejusdem Sanctæ Matris Ecclesiæ gremium propria applicatione, & cura feliciter reduxerit, cupiens eosdem suos subditos uti adhuc tenores Vitis Evangelicæ qui Christus est palmite in ipsius fide vera peramplius confoveri, & consolidari, ac commodius instrui, & gubernari inter alia ad hoc vere suum Regium intentum conducentia media, nullum aliud opportunius fore compererit, quam si recenter conversis Christifidelibus in Vallibus Hebbennicis vulgo *Les Sevennes* constitutis, & numerum quinque Miliriadum excedentibus, qui ex sola præsentia Venerabilis Fratris Nostri Episcopi Nemaufen., in cujus Diocesis Territorio Valles prædictæ sitæ sunt, ob earumdem Vallium a Civitate Nemaufen., ubi ipse Episcopus residet, aspero, montuoso, laborioso, & difficili plurium leucarum intercedente itinere distantiam, ibidem Visitationis adeo necessariæ munus, & Pastoralia munera, & solatia recipere non valent, proprius Prasul, & Pastor Animarum attribueretur, & assignaretur, qui proprias Oves cognosceret, & pasceret, ac ab ipsis vice versa in veritate docenda, & præstanda obedientia agnosceretur, ac proinde, ut dictarum Vallium Territorium a Diocesi Nemaufen. separare, Oppidumque Alefii, quod ipsarum Vallium Caput muris cinctum, Arce, & Præsidio munitum, Præfectura decoratum, quinque Regularium utriusque sexus Cœnobii, Hospitali, & duabus Confraternitatibus insignitum, bis mille ferè familiis, quas inter plures Nobiles, ac tres ex quatuor partibus Neophitæ constans, aeris etiam salubritate, ac soli fertilitate gaudens, ac ad id valde aptum commodum, & opportunum est in Civitatem inibi que existentem sæcularem, & Collegiatam Ecclesiam Sancti Joannis Baptistæ amplæ, & elegantis structuræ, sex Capellis, & Sacra Supellectili ad Divina peragenda, non tamen ad Pontificalia exercenda decenter ornatam, aliisque requisitis sacis instructam in Cathedrali, ibique Sedem Episcopalem erigere, & collocare, ac alias desuper opportune providere de benignitate Apostolica dignemur.

Descriptio Oppidi Alefii.

Causæ hujus Electionis.

§. 2. Nos, cui nihil magis cura est, quam ut fides Catholica illibata ubique floreat, & augetur, non de inventa ove, sed integri pene gregis ad Ovile Christi reductione congaudentes, ac ipsi Ludovico Regi congratulari ne desit his Ecclesiæ novis filiis, qui frangat panem, puræque Doctrinæ pabula præbeat, ac singulorum vultus, ut Episcopum decet inspiciat, & agnoscat, matura super his in Congregatione Ve-

nerabilium Fratrum Nostrorum Sanctæ Romanæ Ecclesiæ Cardinalium rebus consistorialibus præposita, cui negotium dismembrationis, & Electionis hujusmodi discutendum a Nobis commissum fuerat, habita deliberatione, Oppidum prædictum Episcopali, & Civitatis titulo dignum judicantes, piisque dicti Ludovici Regis desiderii libenter annuentes, de eorundem, ac aliorum Venerabilium fratrum Nostrorum præfata Sanctæ Romanæ Ecclesiæ Cardinalium consilio, & assensu, Oppidum prædictum ab Ordinaria Jurisdictione dicti Episcopi Nemaufen. de expresso ejus, ac illius Cathedralis Capituli, & Canonicorum consensu, Apostolica auctoritate, tenore præsentium perpetuo segregamus, dividimus, separamus, & dismembramus; illudque, ac ejus Clerum, & Populum quoad Legem Diocesanam ab Episcopate Nemaufen. Superioritate, Jurisdictione, potestate, subjectione, Visitatione, & correctione prorsus eximimus, & liberamus; ac Oppidum prædictum Civitatis, illiusque Incolas Civium nomine, titulo, & honore decoramus, illudque in Civitatem Alefien. denominandam, & in eo sæcularem, & Collegiatam Ecclesiam Sancto Joanni Baptistæ dicatam, duasque Dignitates Decanatum videlicet, & Sacristiam, cum aliis decem Canonicatibus habentem in Cathedrali Ecclesia sub Invocatione ejusdem Sancti Joannis Baptistæ pro uno Episcopo Alefien. nuncupando, qui illi præsit, ac Ecclesiam ipsam ad formam Cathedralis Ecclesiæ redigi faciat, necnon Episcopalem Jurisdictionem, auctoritatem, & potestatem exercere, omniaque, & singula, quæ Ordinis, Jurisdictionis, & cujusvis alterius muneris Episcopalis sunt, & ad illa, ac Synodi Diocesane convocationem, & celebrationem spectant, & pertinent, ac quæ alii tam in illis Regnis, & Provinciis, quam alibi ubicumque constituti Episcopi in suis Diocesis, Civitatibus, & Diocesis de jure, & consuetudine, aut alias quomodolibet facere, & quibus uti solent, & possunt pariformiter, æque principaliter, & absque ulla prorsus differentia in suis Ecclesia, Civitate, & Diocesi Alefien. respectivo facere, gerere, & exercere, ac uti, frui, & gaudere libere, & licite possit, & debeat, ac pro tempore existenti Archiepiscopo Narbonen. jure Metropolitico, prout ante separationem, & dismembrationem hujusmodi suberat, subjaceat cum Sede, & Mensa, aliisque insigniis Episcopalibus, necnon præminentia, & honoribus, & privilegiis, immunitatibus, & gratiis spiritualibus, & temporalibus, personalibus, realibus, & mixtis, quibus cæteræ Cathedrales Ecclesiæ Regnorum, & Provinciarum hujusmodi similiter de jure, consuetudine, privilegio, aut alias quomodolibet utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum de similibus consilio, & potestate plenitudine, dicta Apostolica auctoritate perpetuo erigimus, & institimus, ac eidem sic erectæ Ecclesiæ Alefien. ipsum Oppidum sic in Civitatem erectum pro Civitate, & aliæ octo Civitates nuncupatas, ac aliæ triginta sex inferiora Oppida, & reliqua quinquaginta quinque Oppidula, cum eorum omnium, & singulorum respectivo Parochis, & Territorio quinquaginta longitudine, latitudine vero triginta circiter miliaribus Italicis extento pro Diocesi, necnon Ecclesias pro Clero, & sæculares personas pro Populo de consilio, potestate, & auctoritate similibus, etiam perpetuo concedimus, attribuimus, & assignamus, Civitatemque, Clerum, & Populum hujusmodi Episcopo Alefien. quoad Episcopalem, & Archiepiscopo Narbonen. pro tempore existentibus quoad Metropolitanam Jurisdictionem, & Superioritatem de paribus consilio, & potestate plenitudine, etiam perpetuo subjicimus.

Dismembratio d. Oppidi a Diocesi Nemaufen.

Erectio Oppidi in Civitatem, & Ecclesiæ S. Joannis Baptistæ in Cathedrali cum omnibus Episcopalibus juribus.

Ejus subjectio Archiepiscopo Narbonen.

Ejus Diocesis.

1694.

Pro dote
Mense
Episcopi
affigatur
Abbatia
Ecclesie
S. Petri
Pfalmodien.

§. 3. Ac insuper cum dilectus filius Ludovicus de Calvires Abbas Abbatie olim forsan regularis, sed jam nunc omni in ea regularitate cessante ad secularem statum redacta secularis, & Collegiata Ecclesie Sancti Petri Pfalmodien. vulgo de Pfalmodi nuncupata in Oppido Aquarum mortuarum dicte Nemaufen. Diocesis existentis regimini, & administrationi dicte Abbatie, ac omni, & cuiuscumque Juri sibi in illa, vel ad illam quomodolibet competenti, & per eum pretenso in manibus nostris ad premissorum, & infrascriptorum effectum cesserit; nosque cessationem eandem ex dicta causa duxerimus admittendam, Nos Abbatiam ipsam, & titulum collativum, & denominationem Abbatie, & Collegiata firma ceteroqui remanente illius Parochialitate de prefati Ludovici Regis ad quem, dum illa pro tempore vacat, Jus ad illam nominandi vigore concordatorum dudum inter Sedem Apostolicam, & clare memoriam Franciscum Primum olim eorumdem Francorum Regem initorum pertinere dignoscitur perpetuo quoque supprimimus, & extinguimus, ac illius sic suppressam, & extinctam Abbatialem, cujus fructus ad quingentos florenos auri in Libris Camere Apostolicæ taxati reperiuntur; verus autem valor ad octodecim millia Librarum Turonen. ascendit Mensæ Episcopali Alefien. pro ejus dote similiter perpetuo applicamus, & appropriamus; Capitularem vero Mensam, & Capitulum, necnon Præposituram, quæ principalis, & Archidiaconatum, Cantoriam, & Subcantoriam, quæ reliquæ Dignitates inibi erant, ac decem Canonicatus, & totidem Præbendas illius ad sic erectam Ecclesiam Alefien. similibus consilio, & auctoritate pariter perpetuo ita transferimus, & traducimus, ut ex duobus Alefien., & Pfalmodien. Capitulis hujusmodi unicum ipsius Episcopi Alefien. proprium Capitulum, in quo Præpositura Pfalmodien. prima post Pontificalem, ac excepto Decanatu Alefien., quem Nos certis Nobis notis de causis adducti ex nunc prout ex tunc, & e contra postquam illum per cessum, vel decessum, aut alias quomodolibet quandocumque, ac ubicumque vacare contigerit perpetuo quoque similiter supprimimus, & extinguimus, ac Mensæ Capitulari Alefien. annectimus, & incorporamus, expresso ad id moderni Decani accedente consensu, reliquæ aliæ Dignitates, Archidiaconatus, secunda Cantoria, tertia Sacristia Alefien. respectively nuncupandæ, quarta, ac Subcantoria quinta, necnon Alefien., & decem Pfalmodien. respectively Canonicatus, & Præbendæ sint, permaneant, & persistant, duodecimque Presbyteri, duoque Acolythi, ac unus Clericus ad nutum Præpositi, & Capituli Alefien. amovibiles pro divinis Ministeriis ipsius Ecclesie Alefien. servitibus juxta providam Præposito, & Capitulo prefatis sibi faciendam injunctionem, ac cum congruæ mercedis assignatione, vel quotidianarum distributionum participatione ad arbitrium eorumdem Præpositi, & Capituli ibidem deputentur, Sacristaque Alefien. curam inibi, ut antea, regat, exerceat, & administret animarum: Canonici vero utriusque Capituli Capitulares suas quoad vixerint respectively præbendas, prout ante erectionem hujusmodi faciebant, percipiant, advenienteque eorum, seu alterius ex ipsis obitu, vel cessione, omnes, & singulæ præbendæ ad invicem successive in communem Mensam Capitularem Alefien. semper reintegrentur, & consolidentur, donec omnes illius præbendæ ad fructuum, reddituum, & proventuum equalitatem perveniant, satisfactis interim per eisdem Capitulares respectively cujusque eorum Capituli, & Mensæ Capitularis etiam respectively oneribus, & obligationibus solitis, debitis, & consuetis; & tam Dignitates, quam Canonicatus, & Præbendas hujusmodi nunc, & pro tempore obtinentes

Capitulum eum Mensæ Capitulari, sigillo, ac arca communibus, aliisque Insigniis Capitularibus constituant, & apud dictam Ecclesiam Alefien. residere, stallumque in Choro, ac locum, & vocem in Capitulo ipsius, necnon in actibus, & functionibus Ecclesiasticis intra, & extra ipsam ubilibet juxta eorum respectively antianitatem receptionis dumtaxat absque ulla alia cujusvis gradus, seu qualitatis distinctione, & ipsa Ecclesia singulis diebus horas Canonicas, tam diurnas, quam nocturnas, necnon Conventuales, aliasque Missas, servata Ecclesiarum disciplina uniformiter celebrare, & decantare, illisque interesse, ac alias dicte Ecclesie Alefien. in divinis deservire, ceteraque onera injuncta, & pro tempore injungenda subire, exercere, & adimplere respectively debeant, & teneantur, ac tam in Choro, quam Capitulo, processionibus, & aliis actibus, & functionibus habitus de Jure gestari solitos etiam deferre, & gestare libere, & licite possint, & valeant.

§. 4. Præterea Nos pro promptiori præmissorum, & infrascriptorum executione, & adimplimento, ac prospero felicique Alefien. statu, & successu procurando, & manutenendo, quod si modernus Decanus Alefien. non obstante ejus ad hæc expresso consensu honoribus, & præminentibus ad suam dignitatem de Jure spectantibus gaudere velit illis, ac eodem Stallo in Choro quousque ad datam præsentium potius fuit, ac etiam postquam ad Sacerdotium promotus erit præcedentia, alternative tamen cum Præposito Pfalmodien., vel annuatim, vel per menses, aut alias prout melius ipsis videbitur juxta illorum desuper jucundam conventionem usque ad diem, quo per illius cessum, vel decessum, aut aliam quamcumque dimissionem, vel amissionem dictum Decanatum vacare contigerit potiri, & frui debeat, quodque si contigerit Capitulares Nemaufen. congregari, prout de more pro impositionibus Decimarum, vel pro impostarum rationibus reddendis, & ibi agi etiam debeat de interesse prefati Capituli Alefien. eidem Capitulo Alefien. liceat unum, vel duos de gremio deputare ad interessendum Congregationibus, seu Comitibus Capitularibus, qui deputati, vel alter illorum Comitibus prefatis præcedere debeant Canonici Nemaufen., & ita contingat Capitulares Alefien. pro similibus impositionibus, & illarum rationum redditionibus congregari liceat eidem Capitulo Nemaufen. similiter unum, vel duos de gremio eligere, qui Comitibus Alefien. intervenire, & pariter Canonicos Alefien. præcedere debeant; cura porrò Animarum, & alia onera Ecclesie Pfalmodien., quæ abinde ad Ecclesiam Alefien. transferri non poterunt, seu quæ ibi a Capitularibus Pfalmodien. destinata fuerunt adimpleri per ibidem existentem Rectorem, Curatum, ac talem, quem iidem Canonici Pfalmodien. necessarium judicaverint numerum Presbyterorum assignatis Rectori, Curato, ac Presbyteris hujusmodi pro congrua eorum sustentatione omnibus, & singulis fructibus decimalibus Parochie ejusdem Ecclesie Pfalmodien. juxta desuper cum interventu, & auctoritate Episcopi Nemaufen. prefati initam transactionem omnino adimpleantur, in Ecclesia vero Alefien. futurus, & pro tempore existens Episcopus curam Animarum præfatam per Sacristam, & ejus Vicarium, ut antea, una cum eisdem emolumentis, quibus ante erectionem hujusmodi fruebatur, & potiebatur exerceri faciat, ac pro sui Episcopali residentia, usu & habitatione Aedes per Diocesanos, qui juxta morem Provinciae Quitaniæ habitationem Episcopalem construere tenentur destinandas, vel construendas, aut justo pretio emendas habeat, & possideat, necnon jure eligendi, & deputandi Scholarum præceptores, seu Magistros quoad easdem Scholas antea, & hæcenus ad Præcento-

Quid de
præfati De-
cano Alefien.

De Parochis
utriusque Ec-
clesie Ale-
fien. & Pfal-
modien.

Episcopo,
& Capitulo
quamplures
facultates &
privilegia
concedun-
tur.

Ex duobus
Capitulis
Alefien. &
Pfalmodien.
unum con-
fiscitur Ale-
fien.

Numerus,
ordo, Men-
sæ, & onera
Dignitatum
Capituli,
cum suppressio-
ne Decanatus
Alefien.

rem Ecclesie Nemausen. spectante, & pertinente omnimode fruatur, utatur, & gaudeat, respective statuimus, ordinamus, ac etiam declaramus expressis ad hæc omnia, & singula tam Archiepiscopi Narbonen., quam Episcopi, & etiam Prætoris, necnon Nemausen., ac Alesien., & Palsmodien. Ecclesiarum hujusmodi Capitulum respective accedentibus assensibus, & consentientibus. Insuper etiam Episcopo, Dignitatibus, Capitulo, & Canonicis præfatis, ut pro dictæ Ecclesie Alesien., ac illius Mensæ Capitularis Sacristiæ, & Fabricæ, earum rerum, & bonorum tam Spiritualium, quam temporalium prospere, & felici statu, regimine, gubernio, directione, ac onerum illis incumbentium supportatione Missarum, horarum Canonicarum, divinorum tam diurnorum quam nocturnorum Officiorum, Processionum, Funeralium, Anniversariorum, & aliorum præfatorum celebratione, necnon de Dignitatibus, Canonicatibus, & Præbendis, aliisque Beneficiis, & Ministeriis Ecclesiasticis pro tempore providendorum receptione, admissione, residentia personali, distributionum etiam quotidianarum, & aliorum emolumentorum quorumcumque divisione, repartitione & admissione pœnarum per absentes & Divinis suis loco, & tempore non assilentes, seu onera, & ministeria eis incumbenda subire negligentes incurrendarum impositione singulorum præfatis, & absentis norandi, caremoniis, & ritibus in Cathedrali Ecclesia, Choro, Capitulo, Processionibus, & aliis actibus, præfatis, servatis servandis, & Ministris, dictæ Ecclesie Alesien. necessariis deputandis, & amovendis servitiis, & Ministeriis per eos obeundis, & agendis, salariis, & stipendiis eorum cuilibet assignandis, ac quibusvis aliis rebus in præmissis, ac circa ea quomodolibet necessariis, & opportunis quæcumque statuta, ordinationes, & Capitula, & Decreta licita tamen, & honesta, ac Sacris Canonibus, præsertim vero Concilii Tridentini Decretis, & Constitutionibus Apostolicis non contraria edendi, & edita pro temporum, & rerum varietate, & qualitate limitandi, corrigendi, declarandi, interpretandi, ac in meliorem formam redigendi, seu alia de novo etiam ex integro condendi, & per eos, ad quos pro tempore spectabit sub pœnis in contravenientes statuendis, observari faciendi plenam, liberam & omnimodam facultatem concedimus, & impartimur; necnon Episcopo, ut præfertur, ac Dignitates in præfata Ecclesia Alesien. obtinentibus, ac Capitulo, & Canonicis ejusdem Ecclesie, aliisque Capituli, & Ecclesie hujusmodi personis, & Ministris pro tempore existentibus, ut omnibus, & singulis privilegiis, Immunitatibus, exemptionibus, libertatibus, præeminentiis, prærogativis, concessionibus, facultatibus, Indultis, favoribus, & gratiis, quibus alii præfati, & aliarum Ecclesiarum dignitates obtinentes, Capitula, & Canonici, aliæque Civitates, & Dioceses, ac eorum Cleri, Incolæ, & habitatores, eorumque res, & bona fruuntur, potiuntur, & gaudent, ac uti, frui, & gaudere possunt, & poterunt quomodolibet in futurum, etiam quoad habitus delationem, ut præfertur, uti, frui, potiri, & gaudere libere, & licite possint, & valeant concedimus, & indulgemus.

Regi Christianissimo, aliisque jus nominandi, vel præsentandi conceditur.

§. 5. Ac etiam Ludovico Regi, ejusque successoribus, attenta assignatione præfata mensæ Abbatialis, & unione ejusdem Capituli de præfati Ludovici Regis consensu dictæ Mensæ Episcopali, ac Capitulo Alesien., ut supra, facta Jus nominandi ad præfata Ecclesiam Alesien., dum illa Pastoris solatio destituta, fuerit illi vero, seu illis, ad quos præsentatio, seu nominatio ad dignitates, Canonicatus, & præbendas, necnon beneficia, & ministeria hujusmodi ex fundatione, vel dotatione de Jurepatronatus perti-

nente dignoscitur, quæ quidem nominatio ad Ecclesiam Alesien. Nobis, seu Romano Pontifici successori nostro pro tempore existenti per præfatum Ludovicum Regem, ejusque, ut præfertur successores Galliarum Reges, quo vero ad præsentationes ad dignitates, Canonicatus, & Præbendas, ac Beneficia, & Ministeria hujusmodi quomodocumque, & quotiescumque per cessum, vel decessum, aut alias quomodolibet vacare contigerit, etiam coram Ordinario Alesien. pro tempore existente per Patronos fieri respective debeant prout antea ad dictam Abbatiam Sancti Petri Palsmodien., & ad dignitates, Canonicatus, & Præbendas, necnon Beneficia, & Ministeria utriusque Collegiæ Ecclesie unitæ hujusmodi respective spectabat etiam perpetuo reservamus, concedimus, & assignamus.

§. 6. Ac easdem præfatas ullo unquam tempore de subreptionis, vel obreptionis, vel quovis alio defectu, etiam ex eo, quod causæ, & Præbendis, propter quas præmissa emanarunt coram Nobis, vel alibi verificate, & quicumque in præmissis interesse habentes, seu habere preterentes ad id vocati, citati, auditique non fuerint, & præmissis non consenserint, aut alio quovis defectu notari, impugnari, invalidari, retractari, in jus, vel controversiam vocari, ad terminos Juris reduci, remedium impetrari, vel sub quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus, etiam per quascumque Constitutiones Apostolicas, aut Cancellariæ Apostolicæ Regulas quomodocumque, etiam in crastinum assumptionis successorum nostrorum ad Summi Apostolatus apicem, vel alias quomodocumque editas, seu sub quibusvis tenoribus, & formis emanatas, & in posterum edendas, & emanandas nullatenus comprehendi, sed semper ab illis exceptas, & quoties illa emanabunt, toties in pristinum, & validissimum statum, etiam sub quacumque posteriori data per pro tempore existentem Episcopum, ac dignitates, Capitulum, & Canonicos hujusmodi eligenda restitutas, repositas, & plenarie reintegratas, ad denuo concessas, semperque validas esse, & fore, suosque plenarios effectus fortiri, & obtinere; necnon Episcopo, dignitatibus, & Canonicis hujusmodi pro tempore existentibus perpetuo suffragari. Sicque, & non aliter per quoscumque Judices Ordinarios, vel Delegatos quavis auctoritate fungentes, sublata eis, & eorum cuilibet aliter judicandi, & interpretandi facultate, & auctoritate judicari, & definiti debere; & si secus super his a quoquam quavis auctoritate scienter, vel ignoranter contigerit attentari, irritum, & inane decernimus.

§. 7. Non obstantibus nostris, & Cancellariæ Apostolicæ Regulis de gratiis, Indultis, & Indulgentiis adinstar non concedendis, ac de exprimendo vero annuo valore, ac de unionibus committendis ad partes vocatis quorum interest, & Lateranen. Concilii novissime celebrati uniones perpetuas, nisi in casibus a Jure permisis fieri prohibentis, & quibusvis Apostolicis, necnon in synodalibus, Provincialibus, & Generalibus Conciliis editis, vel edendis Constitutionibus; quibus omnibus, etiam si de illis, eorumque totis tenoribus specifica, & expressa, ac de verbo ad verbum, non autem per clausulas generales idem importantes expressio adhoc servanda foret, illis alias in suo robore permaneris, hac vice dumtaxat specialiter, & expresse harum serie derogamus, cæterique contrariis quibuscumque.

Datum Romæ apud S. Mariam Majorem Anno Incarnationis Dominicæ Milleesimo sexcentesimo nonagesimo quarto sexto decimo Kalendas Junii Pontif. nostri Anno Tertio.

Clausula.

Confirmatur